

و ألقى السحرة ساجدين | #نور_على_نور | د . حازم شومان

حازم شومان

ولك الملك كله وببيدك الخير كله واليك يرجع الامر كله. اللهم صل على عبدك نبيك محمد صلى الله عليه وسلم. في الاولين والآخرين وفي كل اخت وحين. اما بعد اخواني واحبابي في الله اللي ضهرو مش تعبان يجي يقعد قدامي. اللي ضهره مش تعبان ما -

00:00:01

على الحيلة يا اخواني خلينا كده نأخذ الامر بجد كده خذوا ما اتيناكم بقوة مش بانتخه وسند يعني اذا كنا سندين على الحيلة واحنا بنسمع الكلام امال اما نيحي نطبقه هنعمل ايه؟ النهاردة ان شاء الله بازن الله يعني جلسة ماراثونية. لان احنا هنتكلم عن حوالي

خمس او ست صفحات من - 00:00:21

سورة الاعراف قصة موسى في سورة الاعراف باذن الله سبحانه وتعالى. وطبعا في معالم في طريق الالتزام كده. اي حد قرأ القرآن ويسلم قلبه للقرآن هو انا قلت بسم الله والصلاة والسلام على رسول الله. طب نقول ثاني بسم الله والصلاة والسلام على رسول الله.

الحمد لله بسم الله اوله وآخره. فان في يعني مواطن في القرآن - 00:00:41

كده ما فيش انسان بيعدي على القرآن ويسلم له قلبه الا ولازم المواطن دي تترك قلبه زي ايات احد مسلا في سورة ال عمران. دي ايات لازم تأسر قلبك اول ما تقرأها. من الايات القوية جدا في القرآن ايات موسى في سورة الاعراف. ايات يعني بتبين لك ازاى

الايمان بينتصر - 00:01:01

مهما كانت مقومات الحق ضعيفة في الواقع. اوعى تيأس اوعى تحبط. اوعى تقول زي بني اسرائيل اودينا من قبل ان تأتينا. ومن بعد ما جئتنا. ما فيش فائدة ما فيش فائدة هو الواقع ده هيفضل جازم. اوعى تظن ان الله ليس بقادر على ان يغير الظالمين. وعلى ان

يغير الطواغيت. اوعى تظن ان ربنا - 00:01:21

مش قادر انه يصلح الواقع. اوعى تظن هذا ابدًا مهما خيم الظلام. ومهما ساد الظالمين في فترة من الفترات. ومهما كل يوم بقيت بتسمع عشرين او ثلاثين خبر جداد. بيقولوا لك قد ايه الظلم بيزيد اكثر وببتمكن اكثر. وبياخذ اراضي اكثر. اوعى تيأس - 00:01:41

قصة موسى في سورة الاعراف قصة باهرة عن كيفية بناء الدعوات. ازاى دعوات ما بتتبناش بالساهل؟ ازاى تحرير اهل الدين من سيطرة الظالمين دي مش مرحلة سهلة. وبعد كده اهل الدين لما بيتحرروا هم نفسهم بيبقى وقع في نفوسهم من صفات العبودية -

00:02:01

فترات الذل صفات شنيعة. فبيبدأ رحلة ثانية ومعركة ثانية من اجل استصلاح النفوس المتدنية نفسها لواقع الذل وواقع الظلم وواقع القهر اسر عليها. هنبداً بازن الله من اول اية ستة وتسعين - 00:02:21

اية ستة وتسعين بتقول ايه ها؟ يلا مين ثلاثة وستين؟ اية ستة وتسعين في سورة الاعراف سورة الاعراف. عايزين نبقي من اعراف الدنيا كده مش من اعراف الآخرة يعني مش نيحي نتصدم في الآخرة ونعرف الحقائق في الآخرة. سورة الاعراف بتفهمك الحقائق

اللي تخليك من اعراف الدنيا من الناس اللي فاهمة - 00:02:40

صح. وعارفة الموضوع صح عندها معرفة حقيقية بالحق والباطل من وهي في الدنيا. اية ستة وتسعين بتقول ايه ان اهل القرى النهاردة زي ما بقول لكم دي جلسة ماراثونية. فطبعا هنعدي على كثير من الايات بسرعة بس بحيس ان احنا نفهم ايه السياق. انا بادي

لكم بازن الله سبحانه وتعالى من قبل - 00:03:00

قصة موسى بحوالي صفحة الا ربع كده. ولو ان اهل القرى امنوا واتقوا لفتحنا عليهم بركات من السماء والارض بركات طب ما يعني

يعني ايه فتحنا عليهم بركات من السماء والارض؟ يعني الناس لو بدل ما تقابل نعم ربنا بالمعصية وبدل ما تقابل - 00:03:20
وحي ربنا بالعناد والتكبر والاعراض. لو الناس اقبلت على الله سيفتح عليهم من الخير ما لا يتخيله احد. وما لا وما لم يعهد في امة من الامم قبلهم. هتيجي حاجات عليها الختمة الرباني اللي فتحنا البركات مش معناها ان الاكل بس يبقى فيه بركة. المشاعر - 00:03:40
يبقى فيها بركة. البيوت يبقى فيها بركة. العيال والزرية يبقى فيها بركة. الشهادة اللي بتاخذها في ايديك مش تاخذها تعلقها على الحيطه. اخرك تتجوز بها الشهادة يبقى فيها بركة. المعلومة اللي تقراها في الدين او في الدنيا يبقى فيها بركة. يبقى فيها بركة. ياما اختراعات في الامة الاسلامية زمان كانت بسبب معلومة - 00:04:00

واحدة وتؤدي بعد هذا الاختراع. العلاقات الايمان بتاعك يبقى فيه بركة يبقى الحياة كلها فيها بركة. انما احنا الوقتي حياة منزوعة البركة البركة خرجت ولم تعد طب ما في امم يا اخي مسلمة وما فيش بركات من السماء والارض ربنا قال امنوا واتقوا. يبقى حققوا - 00:04:20

دين بحق وحقيقي الدين مش مظاهر الدين مش مجرد اشكال للدين حقيقة عشان كده سيدنا ابراهيم بيقول لربنا ربنا واجعلني مسلمين لك ومن ذريتنا امة مسلمة لك. طب يعني ايه؟ سيدنا ايه يا رب خليني مسلم لا اله الا الله محمد رسول الله. انا بقيت مسلم. يا عم انت - 00:04:40

اه مش فاهم القضية. انت مش فاهم القضية انت بيتهدى لك ان الكلمة دي انت بها حققت الاسلام لله. لا ده الاسلام لله ده. الاسلام اسلام ان واحد طلع مسدس في وش واحد ارفع ايديك ارفع ايديك اديني ظهرك امشي قدامي. يمين شمال ده الاستسلام الاسلام انك انت تنقض في - 00:05:00

كل كليات وجزئيات حياتك طوعا وليس كرها. لله سبحانه وتعالى انك انت قبل ما بتتجوز بتشوف الدين قال ايه في الجواز؟ قال ايه في اختيار الزوجة قبل ما بتخلف بتشوف الدين قال ايه في العيال وتربية العيال. لما بتتشاكل مع زوجتك بتشوف الدين قال ايه في الخلافات الزوجية. لما بتيجي تشتغل - 00:05:20

بتشوف الدين قال ايه في المعاملات المليئة؟ الاسلام لله ان حياتك كلها بقيت راجع فيها لله سبحانه وتعالى. ولو ان اهل القرى امنوا واتقوا لفتحنا فتحنا معناه ان فيه ابواب كتير اوي بس مقفولة. مقفولة فانت بيتهدى لك ان ما فيش ابواب رزق. لأ ده فيه ابواب كتير جدا. بس كلها مقفولة مقفولة بالزنوب - 00:05:40

فتحنا عليهم بركات من السماء والارض. ولكن كذبوا فاخذناهم بما كانوا يكسبون. افأمن اهل القرى ان ياتيهم بأسنا بياتا وهم نائمون. مين اللي يأمن عقوبة ربنا؟ مين اللي يأمن غارة الله؟ مين اللي يأمن غارة الله على البشر؟ ده انت كبنى ادم وانت في قمة صحتك - 00:06:00

ميكروب لا يرى بالعين المجردة لو جه هجم عليك ببجيبك في الارض وممكن يموتك. في خلال ايام. ميكروب لا يرى عشرة واحدة تهجم على انسان تجيب له ملاريا وتجيب له وتجب له امال مالك الملك سبحانه وتعالى. ان ان كانت الغارة من الله سبحانه وتعالى. انسان يعمل ايه في ضمرة - 00:06:20

ربنا وقدام قدرة ربنا افأمن اهل القرى ان ياتيهم بأسنا بياتا وهم نائمون فاضعف لحظة عندك واغفل لحظة عندك لا تأمن ان عقوبة ربنا على المعاصي تنزل. اوامن اهل القرى ان ياتيهم بأسنا ضحى وهم يلعبون. وانت بتلعب بس يا رب - 00:06:40
الناس الضحى ما بتلعبش الناس تسعة الصبح وعشرة الصبح طحنة دنيا. واللي قاعد يبني عمارة واللي قاعد يعمل كل ده من غير ما يكون وجهته كل ده لعب. اي اعمار في الدنيا اي تنمية اي نهضة. اي بناء اي حضارة. اي ناطعة سحاب اي اختراع يتاخذ عليه - 00:06:59

نوبل اي اكتشاف علمي اي تجارة اي سعي ورا شهادة او دكتوراة او ماجستير او زمالة او بورد اي مذاكرة اي محاضرة اي سكشن اي واحد ببسعى في هزه الدنيا مهما كان لو ليس لاجل الله فانما هو - 00:07:19
بيلعب لان كل ده بلا مقصد في النهاية. فالايه هو اللعب؟ اللاعب ان الواحد من غير انت انت بتعمل كده ليه؟ برفع عن نفسي. يعني

ايه ما فيش مقصد انا - 00:07:39

بس يعني بخف عن نفسي الحمول والضغط بتاعة الدنيا. ايوة امن اهل القرى ان ياتيهم بأسنا ضحى وهم يلعبون. اوعى تلعب. اوعى تضيع حياتك في اللعب اي حاجة في حياتك حتى مزاكرتك. حتى شهادتك حتى حتى رياضتك لعبك للرياضة لا تربطك - 00:07:49
ان مقصده والله فانما هي لعب. افأمنوا مكر الله فلا يأمن مكر الله الا القوم فلا يأمن مكر الله الا القوم. الخاسرون. يعني ايه مكر الله ذكر الله اي استدراج الله. يعني ايه؟ يعني ان يعطيك الله النعم وانت تعصيه. هو ده مكر الله. مكر الله - 00:08:09
ان يزداد العبد في المعصية فيزداد الرب في النعمة. فهذا استدراج ده مكر. ده مش معناه ان ربنا بيحبه. ده مش معناه لازم تشخص لازم تقرا الرسائل الربانية صح. مش كل حاجة حلوة تبقى معناها ان ربنا راضي عنك. زي النهر بتاع جيش طالوت وداوود -

00:08:29

آآ في ناس كتير قوي قالت ما الله اكبر. ربنا تقبل جهادنا وبعث لنا نهر في الطريق عشان احنا جاهدنا وهو مراد ربنا انه ما يدوقوش اصلا مراد ربنا انه ما وقفش عنده اصلا لازم تشخص. امتى الدنيا لما بتيجي بتبقى اسر للطاعة؟ وربنا سبحانه وتعالى بيكرمك بطاعتك. وامتى الدنيا لما - 00:08:49

تيجي بتبقى رسالة غضب من الله. ورسالة مكر من الله. بقى انت بتعصي وانت الدنيا لما بتيجي بيبقى مراد ربنا انك لا تلتفت لها اصلا وهي مجرد امتحان. امتحان من ربنا مش زي النهر بتاع طالوت كده. مراد الله الا تقف عنده اصلا - 00:09:09
كل ده على حسب حالك. انت حالك مع الله ايه؟ انت عبادتك مع الله ايه؟ انت اورادك مع الله. انت اتصالك بالله ايه؟ افأمنوا مكر الله فلا يأمن مكر الله الا القوم الخاسرون. اولم يهدي للذين يرثون الارض من بعد اهلها. ان لو نشاءوا اصبناهم بذنوبهم ونطبع -

00:09:29

قلوبهم فهم لا يسمعون. الطبعة او لم يهد للذين يرثون الارض من بعدها. يا عم انت نفس نفس الشارع ده كان فيه ناس معدية وجيل قبلك عايش فيه. ونفس المنصورة دي من من سبعين سنة كان فيها ناس تانية خالص غيرك. وبيتك اللي انت ساكن فيه ده غالبا كان فيه ناس - 00:09:49

ساكنة غيرك اصلا. انت انت كل حاجة انت ماشي فيها انما كان فيها ناس قبلك. انت الكلام ده ما وقفكش. اولم يهدي للذين يرثون الارض من بعد كان في ناس مالية الدنيا حركة. كل ده راح. انت الوقتي مستخلف من الله. انت الوقتي اسمك على السبورة بتاعة الدنيا. زي ما اللي قبلك اسمهم اتمسح ببشارة - 00:10:09

انت اسمك بعد شوية يتمسح ببشارة الموت. انت كمان هتلتحق تعمل ايه لربنا؟ قبل ما ملك الموت يمسح اسمك من على سبورة الدنيا الموت ونطبع على قلوبهم الطبع عارف لما طبيعة القلب تتغير لما انت جواك فطرة وجواك طبيعة بتشدك لربنا لما الطبع يفسد بقى ونطبع - 00:10:29

وعلى قلوبهم والعياذ بالله لما القلب يفسد اشد اشد عقوبة قلبية هي الطبع. الطبع بعد كده الختم بقى الختم خلاص الجواب قفل والختم نزل وما عدش ينفع يفتتح. الطبع ان انت زي ما السيف كده يملؤه الصدا يبقى طبع على السيف. خلاص - 00:10:54
قلبك صدة من جوة والعياذ بالله. قلبك فسد. والعياذ بالله. القلب طبيعته اتغيرت. القلب بقت طبيعته المعصية. فهو مش حاسس باي اشكال هو مش حاسس بان في اي حاجة غريبة في معصيته لله. سبحانه وتعالى ونطبع على قلوبنا نعوذ بالله من عقوبة الطبع. لانها من اشد العقوبات القلبية - 00:11:14

فهم لا يسمعون خلاص خلصت. تلك القرى شفت بقى من اول لقد ارسلنا نوحا في سورة الاعراف. وبعد كده قصة شعيب وقصة. تلك القرى قدامك اهي. افلام فيديو فرجتكم عليها. تلك القرى قدام عينيكم اهو. شفتهم معاصيهم وشفتهم انتقام الله منكم. عايزين منهم. عايزين تكررنا - 00:11:34

سيناريو ثاني ليه؟ تلك القرى اهي قدام عينيكم اهي وادي دايمنا القرى القرية جاية من الجمع التي جمع الله لها الخير. يقول لك عايش في قرية اهلها مجتمعين في مكان كده وتلاقي الخير كتير ومنه كلمة الريف. الريف ان ربنا جامع لهم الخير. طب انت ربنا جامع لك -

اخر تلك القرى وربنا اداهم الخير ده كله وفي الاخر نقص عليك من انبائها. مش نقص عليك انبائها. القرآن دايمًا ما بيحبش غير العبرة. القرآن مين انبأها؟ مين دي للتبعيض؟ يعني ربنا ما بيحبش قصة الناس كلهم. مش زي التوراة. كان في سبعة وواحد اسمه مش عارف شاؤوا. وواحد اسمه - 00:12:14

وواحد اسمه مش عارف ايه. وواعي القرآن ما بيحبلكش غير نقطة العبرة. النقطة اللي بينبني عليها الاتعاظ الوصول الى الله هي اللي القرآن بيحبها بس. مش كلام كتير كلام مركز ونقص مضارع. كانك مش محتاج تسمع القصص دي مرة واحدة. ده انت محتاج - 00:12:34

استمر على سماحها عشان كده ربنا يجيب لك القصص دي. في كل القرآن من اوله لاخره ليه؟ عشان تفضل تسمعها كتير لانك انت محتاج تسمع القصص دي كتير تحتاج تتدبر فيها كتير. نقص عليك نقص مضارع يفيد الاستمرار. من انبائها من اخبارها الخطيرة العظيمة. الانباء النبأ - 00:12:54

هو الخبر الذي اذا سمعته شغلك عن ما سواه. شغلك عن اي حاجة تانية. تنشغل عن عشان كده سورة النبأ اللي هو يوم القيامة. يعني ايه النبأ؟ يعني المفروض لما تعرف - 00:13:14

في يوم القيامة ما عدتش تركز مع اي حاجة لن تؤدي الى نجاتك. من يوم القيامة. يقول لك اخر الانباء. الانباء فلان حصل وفلان راح والملك الفلاني عمل والوزير الفلاني اللي راح هي دي الانباء الانباء هي اخبار الدار الآخرة. والانباء هي احوال قصص الانبياء مع اقوامهم. ومن الذين - 00:13:24

الله بالطاعة. ومن الذين دحرهم الله بالمعصية؟ تلك القرى اهي قدامك اهي الافلام اهي لازم تستفاد من كل القصص اللي فاتت دي نقص عليك من انبائها. محتاج انك تسمع قصص انبياء كتير. محتاج انك ترتبط بالنماذج الرهيبة دي. ومحتاج انك تشوف اللي عصى ربنا - 00:13:44

حصل له ايه؟ عشان ما تمشيش في نفس الطريق ما تضيعش عمرك. ما تضيعش عمرك في استكشاف الطرق. ربنا مديك كل حاجة. ولقد جاءتهم رسلهم بالبينات فما كانوا ليؤمنوا بما كذبوا من قبل فما ولقد جاءهم رسلهم بالبينات فما كانوا ليؤمنوا - 00:14:04

فمكانه ليؤمنوا به ان انسان حالته دي مستحيل يطلع منها يبات. الحالة اللي الناس دي عليها مش هيقدروا يسيبوا بحالة الضلال والفساد والتوهان والمعاصي والكبائر والصدور في الغي فما كانوا ليؤمنوا هم فين والايما فين - 00:14:24

ما تبقاش حالتك في قمة الغرب وتقول يا رب اهديني ما هو انت لازم تقرب عشان ربنا يهديك. وفما كانوا ليؤمنوا بما كذبوا من قبل غالبا ردود افعال الانسان الاولى تجاه المواقف بتبقى هي ردود افعاله بعد كده. والانسان الاعمى عن قراءة الرسائل الربانية في البداية بيبقى - 00:14:44

معناها في النهاية. فما كانوا ليؤمنوا بما كذبوا من قبل. هو في الاول قابله ازاى؟ بالعناد. طب وبعد كده؟ في علم الاجتماعات في علوم الادارة؟ في علم الاجتماعات فن الاجتماعات يقول لك ان احدهم طريقة دلوقتي موجودة ان آآ يقولوا مسلا هنختار مسلا كذا ولا كذا - 00:15:04

ويقوموا واخدين الرأي في نص دقيقة. يقول لك قال لك لم الراء. قال لك طيب دلوقتي عايزين بقى نقعد نتناقش وكل واحد يقول لي الايجابيات والسلبيات قال لك تاخذ اربع ساعات قال لك وعلميا سبت في النهاية ان هيطلع في النهاية هو نفس الرأي برضو. في الاخر. الحاجات اللي خدت اغلبية في الاول. بعد - 00:15:24

هذه الدورات برضو هتاخذ الاغلبية في الاخر. فما كانوا ليؤمنوا بما كذبوا من قبل. اللي واجه الدين بالعناد في البداية. وكان رد فعله العياذ بالله اثم في البداية غالبا بيكمل كده. فما كانوا ليؤمنوا بما كذبوا من قبل كذلك المنزر البشع ده الاسود - 00:15:44

ده كذلك كذلك الطبع المرعب اللي ادى للآخر في الخلود في جهنم. كذلك يطبع الله على قلوب الكافرين اشد عقوبة هي عقوبة الطبع.

ان طبيعة قلبك تفسد. ان انت قلبك يتطبع بالضلال والعياذ بالله. من كتر مزاوله - [00:16:04](#)
المعصية طبيعة الفطرة نفسها بازت والعياذ بالله. زي السيف اللي بيعلوه الصدا كده يبقى ايه؟ ده تطيع خلاص. ده فسد خلاص وما
وجدنا لاكثرهم من عهد ده محصلة البشرية - [00:16:24](#)

ربنا بيقول وما وجدنا لاكثرهم من وعد. وان وجدنا اكثرهم لفاسقين وما وجدنا كل ما الانسان يحصل له مصيبة يقوم راجع خلاص يا
رب وتبت يا رب ومش هرجع تاني يا رب وان وجدنا اكثرهم لفاسدين. لفاسقين - [00:16:40](#)
ما وجدنا لاكثر من عدد. كل ما يتزنى يقوم رايع لربنا ساعة الزنقة. يروح لربنا عشان ربنا يدي له عيل. يروح لربنا عشان ربنا يجوزه.
يروح لربنا عشان يرزقه يروح لربنا ايام الامتحانات يروح لربنا لما يمرض يروح لربنا ويبقى العابد الناسي وبعد كده كل حاجة تنكف
اول ما الفرج يبجي - [00:16:55](#)

وما وجدنا لاكثرهم من دي محصلة معاملة البشرية لله. حدش فيهم بيوفي مع ربنا. ما فيش حد فيهم بيستمر على كلمته مع ربنا
الناس بتلعب بعلاقتها بالله. يدوا العهد وبعد كده ينكثوه. في حين انه مع البشر ما يقدرش يعمل كده. انما مع الله بيلعب - [00:17:15](#)
اعوذ بالله. وما وجدنا لاكثرهم من عهد. وان وجدنا اكثرهم لفاسقين اي متمردين على امر الله. احد اخوانا في المانيا تاجر فبيكلم
واحد هناك فبيتكلموا عن الدين والاسلام قال له انا مش هؤمن بالله يخنقني في حياتي - [00:17:35](#)
والكلمة دي كلمة كثيرين جدا من الغرب. ان هو سبب الحاده اصلا. ليه اؤمن بحد يقول لي حرام وحلال؟ ليه اؤمن بحد يقول لي اعمل
وما تعملش والعياذ بالله وان وجدنا اكثرهم اهي دي بقى لفاسقين فاسقين يعني متمردين على انه يتحكم. متمردين على ان حد يقول له
حرام وحلال. وده ينفع وده ما ينفعش - [00:17:53](#)

مش متمردين على الله. ثم بعثنا من بعدهم موسى. كل الانبياء اللي بعد كده كانوا معطوفين على اللي قبل كده في سورة الاعراف. كانوا
معطوفين على قصة اه نوح لقد ارسلنا نوحا. ارسلنا ارسلنا كل الانبياء بعد كده جايين معطوفين على لقد ارسلنا نوحا - [00:18:13](#)
ربنا سبحانه وتعالى في الصفحة اللي قبلها وما ارسلنا في قرية من نبي الا اخذناها الا ارسلت اول مرة يبجي لفز البعث جه مع سيدنا
موسى. ثم بعثنا من بعدهم موسى. احيانا الواقع لما بيبقى صعب جدا. ويبقى الضلال - [00:18:33](#)
سد في زي وقع فرعون كده والفراعنة في كل زمان ومكان. اه وديار الاسلام التي تبلى بفرعون بعد فرعون. الواقع قولي دايم لازم
يبقى في صحرا. لازم يبقى في اعلام ساحر. لازم يبقى في آآ مش هتقدر تغمض عينيك من كتر الاعلام الساحر. لازم يبقى في -

[00:18:50](#)

تعليم فاسد لازم يبقى فيه تشويش لازم امال يسيطروا على الواقع ازاي؟ ازاي؟ عشان كده ربنا قال على سيدنا موسى ثم بعثنا من
موسى لان اللي هيشغل في الدعوة في الواقع اللي فسد لازم يكون بعث كانه واقع ميت وحد هيجيبه من جديد. وحد هيقومه من -

[00:19:10](#)

جديد ثم بعثنا من بعدهم موسى وده اي واقع بيتحكم فيه اليهود. زي الواقع الدول العربية دلوقتي كده وهو واقع اللي حكومة عرب
ولكن اللي بيتحكم فيه اليهود. حقيقة والاعلام اليهودي والفكر اليهودي والاقتصاد اليهودي. عشان كده الانبياء اللي راحوا لليهود تلاقى
ربنا بيقول عليهم الكلمة دي. سيدنا عيسى - [00:19:30](#)

روح ناس ميتة وهتبعث الروح فيها تاني بكلمات الوعظ. النورانية من فم وقلب سيدنا عيسى. فاللي هيشغل في اللي زي الوقت ده
لازم يبقى بعث. ما ينفعش يبقى دعوته دعوة ضعيفة. لازم يبقى قوي. زي ما هنشوف دلوقتي ربنا عمل ايه مع سيدنا موسى نفسه.
لان اللي هيشغل - [00:19:50](#)

في الواقع ده ده انت بتحياي موات. ده احنا كنا فاكرين ان نهاية القصة ان بني اسرائيل يخلصوا من فرعون. ده اول ما خلصوا منه
طلعوا كل جوة كل واحد منهم فرعون صغير. اجعل لنا الها كما لهم الهة. ده طلع استصلاح اهل الدين. بعد ما قعدوا سنين تحت اعلام -

[00:20:10](#)

الظالمين وتحت تعليم الظالمين. طلع اتزرع جواهرهم صفات من الذل والخنوع والفساد النفسي محتاجة لك اكبر من مجرد النوم كان

تتحرر ابدانهم من الظالمين. ولكن قلوبهم وانفسهم لسة فيها صفات فترات التيه. والعياذ بالله عشان كده - [00:20:30](#)
احنا عندنا فترة كبيرة قوي من التربية لنا يا جماعة. احنا محتاجين نتربى. لان احنا طلعلنا في المجتمع ده. فن اوعى تفتكر انك سلمت
من المجتمع ده. انت المجتمع ده - [00:20:50](#)

نفسيتك من جوة. وكل مشاكلك جوة الدين بسبب التشوهات. اللي الفساد اللي حواليك زرعها فيك. فانت محتاج ولادة تانية غير
ولادة انك تدين وتدخلت الجامع. انت محتاج ان نفسيتك دي تزكى. قلبك ده انت محتاج من جوة تتولد تاني. انت محتاج -

[00:21:00](#)

رحلة مع القرآن ومع ذكر الله ومع الاسماء الحسنى عشان ترجع تطهر داخليا. وتبقى انسان فعلا بالصفات اللي القرآن من اراد ان هو
يزرعها فيك ثم بعثنا من بعدهم موسى باياتنا الى فرعون وملأه. كل الانبياء بعثوا الى قومهم الى عاد اخاهم ايه - [00:21:20](#)
الى سمودة اخاهم صالحة. النبي الوحيد اللي ربنا كان بيقول انه بعث لشخص وليس لقوم هو موسى الى فرعون. ها ما لها طبعا
الرباطية طبعا لازم طبعا يعني ايه فرعون؟ لان البلد الوحيدة اللي بيحكمها فرض هي هذه البلاد - [00:21:43](#)
عبر التاريخ فرض فكل الانبياء بعثوا الى اقوام وسيدنا موسى بعث الى فرض الى فرعون وملأه. الملأ اللي هم يملئون اعين الناس.

العربية الستة متر اللي نازل منها. والموكب اللي ماشي فيه. آآ ده الملأ بقى اللي هم الايه - [00:22:03](#)
فظلموا بها. فانظر كيف كان عاقبة المفسدين. الاية دي ربنا جاب لك بها القصة كلها. وبعد كده ربنا هيفصل لك القصة في مشاكل ولكن
ترخص لك القصة في كلمتين. ظلموا بها. دي الجريمة. ظلموا كفروا جحدوا. يعني ايه بها - [00:22:19](#)
يعني ايه ظلموا بها؟ يعني المفسرين واقفين قدام حرف بها دي. ظلموا بها ازاى؟ قال لك الكلمة دي فيها تضمين. الكلمة دي فيها يعني
اقوال المفسرين فيها يعني كثير من الاقوال آآ ولكن يعني انا يعني ظن يا جماعة وفاهم يعني ان بها ديت للاستعمال. استعمال الدين
ظلموا بها - [00:22:38](#)

فدايما الظالمين الدين من اهم مقومات سيطرتهم على الناس وعلى الشعوب. يعني هو لما بيلقي الدين مش بيفكر انه يهدد قبل ما
يفكر انه يستعمله. فهو بياخد ايات ربنا ويحاول انه يحولها لايه؟ لوتد وفرعون - [00:22:58](#)
لوتد من الاوتاد اللي بيقم عليها ملكه. واللي بيقم عليها سلطته. الناس دي ليس عندها الا الكرسي. ولا تفكر الا بالكرسي. وساعة ما
الكرسي بيتقرب منه بيتحول سئل ما لا تتخيله. يعني ما لا تتخيله من ردود الافعال فظلموا بها. ده عايزين كمان يستعملوا الدين.
فانظر كيف وطبعا الظلم - [00:23:18](#)

اللي ظلموه للناس. يقول لك الفقراء وكل الفقر اللي موجود في بلادنا بسبب تنحية شريعة ربنا. المسئول عن كل القطط اللي ممكن
تلاقي قطة بتموت دي بما كسبت ايدي الناس. كل اللي موجود ده بسبب تنحية شرع الله سبحانه وتعالى. فكل الفقر وكل - [00:23:38](#)
اللي خرجت ولم تعد وكل البطالة وكل كل ده في رقبة منحه شرع الله سبحانه وتعالى ظلمه. فانظر انظر دي بقى ايه؟ قلب عينيك
المشهد مليون عبر. انظر دي يعني قلب بصرك وشغل دماغك. المنزر مليون عبر. فانظر. مش انظر عاقبة - [00:23:58](#)
المفسدين انظر كيف بص للكيفية. ما تبصش للمشهد النهائي ان فرعون غرق وكل الرتب اللي وراه غرقت الدنيا وان ربنا جعلهم عبرة
لمن يعتبر ولمن لا يعتبر. فالיום ننجيك ببدنك لتكون لمن خلفك ايه - [00:24:18](#)

اية في قراءة بس قراءات غير عشرية. فالיום ننحيك. هو حد بيتنحى عن العرش؟ ها؟ فالיום ننحيك ببدنك لتكون لمن في قراءة
برضو غير عشرية لمن خلفك اية للي هيقعد على الكرسي وراك. في قراءات بس قراءات ايه؟ غير عشرين - [00:24:38](#)
اه فظلموا بها فانظر كيف بص للكيفية. ما تبصش للمشهد النهائي بس. لان الصورة اللي ربنا استدرجهم بها لحد الهلاك مليانة عبر. انت
محتاج تفهم الفيلم كله بجميع مشاهده. محتاج انك تبقى فاهم كويس جدا جدا جدا. قصة موسى وفرعون وبني اسرائيل وملء
فرعون - [00:24:59](#)

نموزج لصراع الحق والباطل. عشان بعد كده اي حاجة تحصل لك برة يبقى انت شفتها قبل كده في القرآن قبل ما تشوفها في الواقعة.
فانظر كيف كان عاقبة المفسدين. نبدأ بقى المشهد الاولاني بعد ما ربنا اكمل لك القصة. وقال موسى يا فرعون ده المشهد الاول ده اول

بين الحق والباطل. اول جولة سيدنا موسى نزلها. نزل على فرعون نزل على قصر فرعون واتفكلم معه. وقال موسى يا فرعون. طب هو قبل كده مع حد ما فيش اي اخبار ان هو يتكلم مع حد خالص. فمباشرة كده داخله تجعز. داخله قويه الانبياء كانوا في غاية القوة. في دعوة الله سبحانه وتعالى. هو مش - 00:25:39

حد خايف ليه؟ لان هو بيتعامل ازاى؟ تخيل كده واحد بيحكم مسلا بيحكم الوطن العربي كله. ففي ولاية من ولاة الوطن العربي اسمها مسلا مصر ولا السودان ولا اي حاجة. الولاية دي متقسمة مسلا ثلاثين اربعين محافظة. كل محافظة فيها مسلا ثلاثين مركز ومتين قرية. كل قرية فيها - 00:25:59

مسلا نجعين ثلاثة وفي نجع بعده كفر كده من الكفور اه تابع لنجع تابع لقرية تابع لمركز تابعة للمدينة تابعة لحظة تابعة لولاية تابعة للبلد اصلا العامة. العمدة بتاع الكفر ده بدأ بقى ايه؟ ينسى نفسه وبدأ يتمرد على حكم الحاكم بتاع المنطقة - 00:26:19 كلها وبدأ فباعته له يعني امين صغير كده حاجة صغنة كده روح شف اللي نسى نفسه ده. رح شف اللي نسى نفسه ده فهل اللي نازل نازل بالفخر والاعتزاز بالانتساب للحاكم الاعلى؟ ولا نازل بالخوف؟ نازل بالفقر والاعتزاز والعزمة هو مين ده اصلا - 00:26:39 اللي عارف من هو الله عارف من هو المخلوق. وعارف زي ما سيدنا موسى قال لهم ان الارض لله يورثها من يشاء من عباده. اوعى تنسى دي. اوعى لكل عروش الارض خيوطها في ايد رب العالمين وحده. يخفض القسط ويرفعه كما قال شراح الحديث. القسط اللي هو عروش الملوك - 00:26:59

الحكم في الارض يخفض القسط ويرفعه. يعني ربنا احيانا بيخفض القسط بيسيب من يحكم يظلم. وحيانا بيرفعه تولي الصالحين. طب وده بناء على ايه؟ بناء على اهل الدين نفسهم. اهل الدين قايمين بشغلهم في نصره دين ربنا ولا لا؟ الناس تستاهل ان القسط يغفر - 00:27:19

ولا الناس تستاهل ان القسط يرفع انت اللي تستاهل. انت صحيح تعامل مع الزلم. صحيح تعامل مع الابتلاءات بس خد بالك فيما كسبت عشان كده ربنا سبحانه وتعالى بيقول وان عاقبتهم فعاقبه بمثل ما عوقبتهم. فعاقبوا مش بمثل ما اسبى اليكم. بمثل ما عوقبت - 00:27:39

ايوة تعامل مع الواقع. ولكن اوعى تنسى لمازا تركك الله تعصيه؟ لمازا سلط الله الظالمين؟ لمازا دي النقطة اللي انت لو ما فهمتهاش ما انتش هتفهم حاجة. لن يجزئك شيه. في البداية عشان كده لما كان بيبجي الانبياء مسلا سيدنا سيدنا - 00:27:59 يا عيسى جه مسلا في في عند صفر ميلاديا لقي زكريا قتل ويحيى قتل كان المفروض بقى ان هو ايه ولقى الرومان محتلين فلسطين كان المفروض يقول لك لابد من ازالة الاحتلال ولا بد. او سيدنا يونس في العراق في نينوى لما كان الاشوريين محتلين العراق. ولا بد من ازالة الاحتلال - 00:28:19

الاشور ولا بد من تحرير اليهود اللي استعبدهم الاشوريين في نينوى ولا بد يا عم انت مستعبد من نفسك انت لم تستطع ان تتحرر من الزالمين الا اما تتحرر الاول من الزلم اللي انت زالمه انت نفسك لديك. فانت اللي هو المثل اللي يعني ضربه - 00:28:39 اهل فلسطين الدين قبل الارض اللي هو ونجعلهم ائمة ونجعلهم الوارثين. ائمة اي يعود الدين الوارثين اي تعود الارض. عشان كده مش هترجع الارض الا لما يرجع الدين. هيرجعه لك ليه؟ ولو رجعت الارض من غير دين لازمتها ايه؟ بقى ظالم استبدل بظالم. واحد بيجري - 00:29:00

ورا شهوات استبدل بواحد بيجري ورا شهوات عشان كده في قصة طالوت ويلوت في سورة البقرة ان اية ملكه ان يأتكم التابوت فيه سكينه من ربكم وبقيه مما ترك ال موسى وال هارون تحمله الملائكة اللي هو بقية التوراة اللي اخذت منهم. طب وايه الدلالة في كده؟ اللي رجع لك الدين هيرجع لك الدنيا. ما دام - 00:29:20

الدين رجع الدنيا راجعة. خلاص رحلة راحوا جابوا فلسطين تلتमित واحد ورجعوا. ما دام الدين رجع الدنيا ترجع. فده الفقه اللي احنا لازم نفهمه يا جماعة ان القضية مش قضية ان ده مش زالم ده زالم. بس انت لن ينصرك الله عليه الا ان تحررت من زلمك - 00:29:40

نفسك في الدين الناس ترجع لربنا. طب يعني ما ينفعش ان انا ارجع لربنا؟ ينفع. وما ينفعش نقيم حضارة من غير ما ما نرضي ربنا؟ ينفع. وما ينفعش ان احنا - [00:30:00](#)

قصر على اعدائنا من غير ينفع. بس ساعتها ولا لها اي قيمة. لانك زيك زي اللي انت اتحررت منه. انت ظالم وهو طالب لان ما فيش دين. فالقضية قضية الدين اولا بعد كده الملك كله بيرجع. بعد كده - [00:30:10](#)

وقال موسى اول ما دخل على الفرعون يا فرعون دي هو لقب فرعون فرعون وكلمة فرعون دي كلمة تعظيم زي ما النبي عليه الصلاة والسلام كلم عظيم الروم - [00:30:27](#)

هو عظيم الفرس وعظيم مصر يعني سيدنا موسى داخل بيتكلم بلهجة فيها ادب. مش بلهجة فيها تعدي وفيها استخفاف وفيها اليقين لا يعني انك تستخف او لا يعني انك انت تتحاقق عمن امامك. فهو بيتكلم بلهجة فيها ادب. بس برضو بلهجة فيها واحد بيكلم واحد مش خايف منه مش تحته. يا - [00:30:37](#)

او اني رسول من رب العالمين. اني رسول من رب العالمين. حقيق. حقيق دي من الحقيقة على الا اقول على الله الا الحق طبعنا الناس اللي زي فرعون اول ما بيسمعوا كلمة الحقيقة وربنا ورب العالمين هو بيفهم الموضوع بقى له ايه. الناس دي ما تعرفش تعيش مع الدين ولا ينفع تتكيف - [00:30:57](#)

مع الدين. لانه هو باني حياته كلها على ان لازم الواقع يفسد ولا هو مش هيسيطر. هو مش قادر يسيطر في الخير مش عارف زي المنافق كده. المنافق واحد عنده طموحات ولكن هو مش قادر مش من النوعية اللي بتتعب. دايمنا المنافق يبقى عزيمة ضعيفة في انه يحقق احلامه. فالحل ايه؟ ان انا اركب الاسانسير - [00:31:17](#)

بتاعة اذا حدس كذب واذا وعد اخلق واذا اؤتمن خالف الحل ان انا ادهن الهوا ادوقه الحل ان انا اكذب على ده واخدع ده ده لحد ما هو ده الحل عنده. فكذلك ده مش قادر ان هو يسود بالحق. فمش قادر يسود غير بالباطل - [00:31:37](#)

فدايمنا النموذج ده ما يقدرش يستحمل الدين. عشان كده ربنا سبحانه وتعالى يقول تلك الدار الآخرة نجعلها للذين لا يريدون علوا في الارض ولا اية؟ ولا فسادا ابن تيمية قال لك الكلمتين دول قال لك ان البشر اربع انواع. فيه ناس عايزة علو وفساد - [00:31:57](#)

وفيه ناس عايزة علو من غير فساد. وفيه ناس عايزة فساد من غير علو. وفيه ناس لا عايزة علو ولا فساد وهم دول الطائفة الوحيدة الناجية. قال لك اللي عايز علو - [00:32:14](#)

سدوا لمين؟ قال لك دول الحكام الزلما هو عايز يعلو. بس عمره ما هيعلو الا لو الناس فسدت. هو لو الشاب مش مشغول بالزنا وبالمواقع الاباحية والبنات مش مشغولة بالاسترتشات وبالي بيعاكسها - [00:32:24](#)

بيجري وراها والناس مش مشغولة في لقمة العيش والطالب مش مشغول في الترم والميد ترم والميد ميد ترم ما ينفعش ما ينفعش الدكتور مش مشغول في ان مرتبه مش مكفي فلا بد يجري في طاحونة عشان يجيب باقي الحاجات اللي يعوض بها تعب وطفحان دمه طول عمره وقطمة وسطه على المكتب من عنده خمس سنين - [00:32:37](#)

ما ينفعش ما ينفعش الناس تفضى. فقال لك لازم عشان يفضل يعلو لازم فساد. ان فرعون علا في الارض وجعل اهلها شيعة. طب ايه ما هو من غير ما يقطعهم ويشيعهم عمره ما يزود. فلانم يخلي البلد الواحدة خمسين بلد من جوة. فقال لك طب مين اللي - [00:32:57](#)

علو ومش عايز فساد. قال لك اهل الدين. اهل الدين المرائين. هو مش عايز فساد. هو نفسه الناس تبقى كويسة بس هو عايز يعلو. وعايز من ينظر لين هو الاعلى والناس تلتف حواليه. فقال لك دول اهل الدين المراءين. آآ ده عايز علو مش عايز فساد. قال لك طب مين اللي عايز فساد ومش عايز علو؟ قال لك زي الشباب الفاسدة - [00:33:17](#)

زي هشام الفاسد هو عايز يفسد ومن خمرة لنساء لبتاع انما هو ما يهموش انه يعلو اهم حاجة عنده شهوته. زي الحيوانات كده. قال لك طب مين اللي لا عايز - [00:33:37](#)

هو انا عايز فساد قال لك دول اهل الدين الخلف. هم دول الواحد النجيم. فدايمنا اللاتين مربوطين ببعض. العلو مربوط بالايه؟ بالفساد

ما يقدروش يعيشوا من غير والشواهد على هذا في الدالة الشرعية كثيرة جدا. حقيق على الا اقول على الله الا الحق. انا ملزم في قراءة نافع حقيقي - [00:33:47](#)

علي الا اقول على الله الا الحق. حقيق انا جدير ان انا ما اكدبش. انا اللي زبي لا يمكن يكذب. لا يمكن ايه؟ هو انا لو هاج الفرعون اقول له انا رسول من رب العالمين. ما فيش حد يعمل اللي انا باعمله ده غير عشان ربنا اصلا. بس هو العمى هو اللي بيعمي اهل الباطل - [00:34:07](#)

عقيق ملزم انا لم انطق كلمة واحدة كذب على الله ودي طبعاً مسؤولية جبارة في الدعوة الى الله انك انت تفهم يعني ايه حقيق على الا اقول على الله الا الحق. الحقيقة اكثر حاجة بتخوف الزلعة. قد جئتم بيينة من ربكم. فارسل معي بني اسرائيل. انا يا عم مش عارف - [00:34:27](#)

حاجة انا عايز بس اليهود اللي انت استعبدتهم واللي انت حولتهم خدامين بينوا لك ويعملوا لك واليهود اللي انت طفيت المليارديرات منهم اللي زي قارون يبقى سنده واصطفيت العباقة منهم بيقتوا ملائكة والباقي زالهم ومطلع عينيه ومشغلهم - [00:34:47](#)
انا عايز اسببهم يروحوا فلسطين. يعني سببهم يرجعوا للارض المقدسة بتاعتهم. انا مش عايز منك اي حاجة. انا مش جاي لك انت اصلا. انا جاي عشان اقول لك رب يقول لك سب اليهود يرجعوا فلسطين. حقيق على ان لا اقول على الله الا الحق قد جئتم بيت من ربكم فارسل معي بني اسرائيل. انا عايز - [00:35:07](#)

امضى سلام عليكم. مش عايز منك اي حاجة. قال ان كنت جئت باية فاتي بها. ان كنت من الصادقين. ان شك كنت جئت باية فاتي بها. عادي يعني انا فرعون قاعد بقى انت عارف بقى الاله؟ بيت رسم يعني. بيت رسم ان كنت من الصادقين - [00:35:27](#)
ان ان يعني يعني انت قبرك كله مشكك كده وعادي يعني معك اية؟ ويري كده. فالقى عصاه فاذا اذا تفيد المفاجأة. فاذا هي العصاية ثعبان مبین. ثعبان رهيب وواضح للجميع فالقى عصاه - [00:35:45](#)

فاذا هي ثعبان مبین. ايده في جيبه ونزع يده. سيدنا موسى كان اسمر شديد السمرة. فاذا هي بيضاء للناظرين. منورة زي الشمس كده. حاجة منورة ايه ده! الايدي البيضاء بقى. ايديه منورة. الثعبان في الارض وايدى سيدنا موسى منورة. فالقى - [00:36:05](#)
عصاه فاذا هي ثعبان مبین. ونزع يده فاذا برضو هي بيضاء للناظرين يعني ايه الناظرين؟ بيضاء للناظرين كأن الناس اول ما شافت ايدين سيدنا موسى كل اللي في القاعة اتبهروا. فكله قاعد عايز ينظر وعايز يقلب عينيه في ايديه. من منزر الايدي اللي بقت بتتوهج كانها الشمس - [00:36:25](#)

اه وجسمه كله اسمر زي ما هو بيضاء للناظرين كأن كل واحد قاعد يبص وقاعد يقلب عينيه. بيضاء للناظرين. قال الملاء من قوم فرعون ان هذا لساحر عليم. ما هو ما فيش ما ينفعش يشخص حاجة تانية. هو معتقد ان الكرسي بتاعه ما ينفعش - [00:36:45](#)
معك كلمة رب العالمين. والصلاة والناس تصلي الفجر في ما ينفعش الكلام ده. ما ينفعش. لازم الناس تفضل في غفلة. هو بانيتها اولها على كده. قال الملاء من قوم فرعون ان هذا لساحر عليم. ده سحر رهيب ده مش اي ساحر. فرعون قام داخل بقى يريد ان يخرجكم من ارضكم - [00:37:05](#)

ده دول لهم مقاصد سياسية وده جاي اصلا عشان يغير الاوضاع ويغير الانظمة ده ده مخطط رهيب يريد ان يخرجكم من ارضكم. هنا لو الملاء المصريين يبقى الراجل ده عايز يقلب الدنيا بقى ويعمل انقلاب والكلام ده. طب لو الملاء بتوع فرعون كانوا يهود - [00:37:25](#)
الوقت بقت ارضهم وانت مستزلهم ومستعبدهم. اول ما حس بالخطر انتم الكلمة بتاعتكم يريد ان يخرجكم فاما تأمرون؟ الله اكبر. فرعون بيقول مازا تأمرون؟ فرعون بيقول أوامر يا شعب امرك ماشي. فرعون يعني ساعة الخطر - [00:37:47](#)
كل حاجة بتتغير ويرجع مازا تأمرون وبعد كده الدنيا تتغير تاني بعد ما قالوا ارجع اخاه. وارسل في المدائن حاشرين. ارجو ادي له مهلة وارسل في المدائن حاشرين يأتوك بكل ساحر عليم. آآ آ زمان السحرة كانوا هم الكهنة - [00:38:07](#)

ومصر كانت مليانة سحر اخطر سحر على وجه الكرة الارضية ظهر. يعني السحر المصري وسحر بابل. يأتوك بكل ساحر عليم. يعني البلد كانت مليانة صحرا وما فيش حاكم فرعوني يقدر يحكم من غير ما يكون عنده صحرا كتير جدا. صحراء دول في شكل فنانين.

السحرة دول في شكل آآ اعلاميين اي - 00:38:25

المكان الصحراء دول في شكل ايه؟ انما السحر آآ السحر جاي من السحر. السحر اللي هو الريع ساعة اللي بين النهار والليل. اللي هي قبل الفجر. اللي هي الاعلى وقت نومة النبي صلى الله عليه وسلم. آآ بعد قيام بعد قيام نصف الليل. اتسمى سحر من تداخل الليل مع النهار. لا انت عارف هو ليل ولا - 00:38:45

المياعة بتاعة الاحداس وعدم تبين الشيء وما انتاش عارف لا ليل ولا نهار دي السحرة. فالسحر كده لانه هو بيتوه الدنيا. ما عدتش عارف الحق من الباطل. عشان كده النبي عليه الصلاة والسلام يقول في قصة غلام الودود كان ملك وكان له ساحر ولا يوجد ملك - 00:39:05

الا لو ساحر ما يقدرش من غير ما يتوه عقول الناس ويضل عقول الناس. ويشغل الناس ما ينفعش الناس لو شافت الصح صح مش هيقدر. مش يقعد كان ملك وكان له ايه؟ ساحر. ارجه واخاه. طبعاً ارجه ديت يعني يتهلكوا ان فرعون وافق عليها طيبة منه. وبعض بقى الناس تعلق - 00:39:25

تفاصيل يقول لك شف سبحان الله! ده فرعون يعني يا اخي ده الفراغة زمان كانوا ارحم من اللي بيحصل الايام دي. الايام دي ما بيقولوش حتى ارج يعني سيبه شوية كده وهات حد - 00:39:45

لا فرعون ازكى فرعون عبقرى هو فرعون سيد موسى ليه؟ اول حاجة هي فرصة رهيبه. فرصة ان ان تبقى خبطة اعلامية جامدة جدا طيب وفي نفس الوقت موسى هينزل وهيشغل في الدعوة. وموسى مش هيبطل شغل اللي دخل على قصر فرعون هينزل للناس. يعني مش هينزل هينزل - 00:39:55

طب انا الوقتي لو انا جبت له الصحرا امتى فرعون ينتصر؟ لو السحرة كسبوا موسى صح؟ انما لو موسى كسب الصحرا يبقى فرعون اتهزم صح؟ لا غلط لو الصحرا كسبوا او موسى كسب فرعون انتصر. لان في الحالتين موسى طلع ايه؟ ساحر. في الحالتين طلع - 00:40:18

ساحب ففرعون موسى قدر ان هو طلعت في برنامج توك شو مع واحد علماني وكسبته لسانه حلو. انما هم وحشين عادي ايه يعني! ياما حصلت! طب لو هو كسبك اه ما بنفهموش. مش القصة. القصة انك قبلت انك انت تقول ان انا سحر - 00:40:46

خد سحر انت كسبت بقى يبقى انت شاطر زيادة في السحر انت خسرت يبقى هو كسبك. والحمد لله انما في كلتا الحالتين موسى اتهزم فمجرد ان موسي يقبل ان هو يدخل في منازرة مع السحرة يبقى هو ايه؟ اتخط في كاتيجرو ايه - 00:41:06

اتخط في تابلوه ايه؟ انه ساحر فمجرد ان موسى يوافق دي هزيمة طب موسى وافق ولا رفض؟ وافق فوراً قال مواعيده وحدد الميعاد. والمكان. موعدكم يوم الزين. وان يحشر الناس ضحى. المعاد واليوم والساعة كم؟ الله! طب موسى وافق ليه؟ موسى - 00:41:26

لو كان كسب او خسر كان طلع ساحر. وكانت قضيته اتحرقت. هو هنا مش عايز يموت موسى. وعايز يحرق موسى هو مش عايز يموت الدعاء وعايز يحرقه. هو عايز يبقى الدعاية ماشي وسط الناس وما عدش حد من الناس راضي يبص له - 00:41:48

وعايز يحرق قيمة الدعوة في العيون. الامل الوحيد قدام موسى مش انه كان ينتصر على الصحراء. والا فيقينا موسى انتصر الصحراء بيقول لهم ربنا اللي ارسله. الامل الوحيد قدام موسى مش ان هو ينتصر على الصحراء. الامل الوحيد قدام موسى ان

السحرة يقولوا - 00:42:01

ان هو مش ساحر واخذ بالك من التحدي الرهيب اللي دخله موسى الامل الوحيد ان السحرة علماء السحر يقولوا قدام الدنيا كلها مش سحر. بس دي الحالة الوحيدة. فموسى داخل في مخاطرة رهيبه. وبيقول له ان يحشر الناس. ما هو الدعاية مقصده كده. انا عايز

الناس تسمع - 00:42:21

طب افرض بقى تحشر الناس وانت اتهزمت قدامهم. يا عم دي مش قضيتي. ربنا هينصر دعوته. سبحانه وتعالى. ربنا قادر زي بالزبط غلام انك لست بقاتلي حتى تفعل ما امرك به. ان تجمع الناس في صعيد واحد ثم تاخذ سهما من كناناتي مش كنانتك السهام الفالحو

بتاعتك - 00:42:44

كنانتي ثم تقول بسم الله رب الغلام. فانك لست بقاتلة حتى تفعل ذلك. اجمع الناس ووريهم المشهد ده. طب انت هتموت بس الدعوة هتقتصر. مش لازم ان الدعوة تنتصر بحياة الداعية. ممكن موت الداعية يبقى هو نصر الدعوة اصلا. وممكن الدعوة لا تنتصر الا بموت

الداعية - 00:43:04

اصلا قالوا ارجع واخا. الخطة الرهيبة. حرق موسى يطلع سحر اعمل حزب ايه المشكلة؟ حزب قصاد حزب انما تقول لي دين وتقول

لي شريعة لا. ما تدخلنيش في حاجة ما ليش فيها. ما تدخلنيش في حاجة انا ما اقدرش اقف قدامك فيها - 00:43:24

نفس الالفاز ونفس الادوات العب. انزل الملعب لون فائلة وانزل. انما تجيب لي كلام وربنا والسما ورب العالمين حتى اذا قال سقوا

فسقينا واطعموا فاطعمنا حتى اذا قالوا منا نبي فانا ندرك هذا والله لا نكذبه. والعياذ بالله ما تجيلنيش في حاجة برة - 00:43:45

بتاعي قالوا ارجه واخاه وارسل في المدائن حاشرين. يأتوك مدائن دي بقى مصر مليانة مدن. مصر مليانة مدائن بقى دولة حضارية

رهيبة. الدولة العظمى في العالم في هذا الوقت. يعني امريكا العالم في هذا الوقت يأتوك بكل ساحر عليم - 00:44:05

وجاء السحرة يبقى انتهى المشهد الاولاني على القرار سبه سبه بقى خلاص ينزل وايه وهات السحرة هيجي سبعين الف ساحر

هيتصفي منهم خلاصة خلاصة الخلاصة عشان يوقفوا قصاد موسى. المشهد الثاني مشهد سري من وراء الكواليس - 00:44:25

غير معلن وجاء السحرة فرعون اجتماع سري ما بين المسؤولين عن سحر الناس وهم في نفس الوقت في الواقع ده الكهنة رجال

الدين فهو الدين والسحر بقى ايه متسخرين من اجل ان هو يفضل فرعون في مكانه وجاء السحرة فرعون - 00:44:45

قالوا ان لنا لاشرب. ان كنا نحن الغالبين. ايه رأيك بقى لو كسبناه لك؟ ها تدينا ايه؟ تدينا فلوس؟ ها؟ قال نعم. فلوس انكم لمن

المقربين. ده انا هاخليكم البشوات. ده انا هاعمل لكم كل حاجة واعينكم في اعلى المناصب - 00:45:04

وينتهي المشهد الثاني من اوضة الاجتماعات السرية الغير معلنة. ويجي المشهد الثالث شعب كله واقف والتهافتات على اشده ويعني

بالروح بالدم من الذكر فرعون. والصحراء واقفين بقمة الثبات وقمة يعني نظرة الثقة في عينيهم - 00:45:20

وفرعون قاعد على العرش حوالين المأ بتاعه وما فيش غير واحد. واقف سيدنا موسى في ايده العصاية بتاعته وجنبه وفي ظهره

سيدنا هارون. وبعض واقفة في النص كده يعني لا تتخيل ان المنزر ده ممكن يتغير في يوم من الايام. لا تتخيل ان الله قادر على

تغيير - 00:45:40

هذا الوضع بقدرته قالوا يا موسى بدأ المشهد بقى والصحراء بيتكلموا يا موسى اما ان تلقي واما ان نكون نحن الملقين عادي مش

فارقة. امتى ولا احنا؟ يلا عايزين نبدأ. ايه السقة دي؟ بس هو حقيقة هم عايزين هو اللي يبدأ ولا هم اللي يبدأوا - 00:46:00

بدليل يعني اما ان تلقي دي صيغة لغوية هي الاقوى ولا نكون نحن الملقين؟ قال لك التعريف ده وان الملقين جت اسم تلقي فعل زي

موسى ونحن قال لك هم أنفسهم هم اللي يبدأوا - 00:46:23

هم اللي عايزين هم اللي يبدأوا. عايزين هم اللي ياخدوا ضربة البدء. مش مين اللي ببدا؟ مش مين اللي هيفتح الاول؟ هو اللي

هيسترزق الاول؟ الموضوع له حسابات تانية خالص - 00:46:47

اما ان تلقي واما ان نكون نحن الملقين منزر اعلامي بيترسوموا على الشعب. قال القوا هرني هات اعلى ما في خيرك اركبه. اعمل نص

مليون موقع اباحي. اعمل موديلات عارية. اعمل سبع تلاف قناة بتهد في الاسلام والبخاري والدين والدعاء - 00:46:57

اعمل كل اللي انت عايز تعمله. نزل سوشيال ميديا ونزل صور القوا اعمل اعلى ما في خيرك يا ايها الباطل على وجه الارض. ويا ايها

الباطل من اليهود ومن ازيله اعلى ما في خيلك يركبه. القوا فلما القوا سحروا اعين الناس واسترهبوهم استرهبوهم - 00:47:17

است دي استرها بهم به. كأنهم استدعوا الرهبة. الناس اتفرغت. يعني الناس تبع السحرة واتفزع من المنزر. الناس كلها اترعت جاءوا

بسحر عظيم. اللي قال عليه عظيم ربنا مش البشر. ربنا نفسه قال وجاءوا بسحر عظيم. حاجة رهيبة - 00:47:37

وميت ساحر خلاصة سحر الكرة الارضية. فلما القوا ميل في ميل كيلو ونص في كيلو ونص كلهم بقوا تعابين. سحروا اعين الناس

وجاؤوا بسحر عظيم واوحينا الى موسى ان القى عصاه. الله اكبر - 00:47:57

واوحينا الى موسى ان القى عصاك ايه ده موسى ما كانش عارف انه هيرمي العصاية. موسى رايح يواجه فرعون ومش عارف يعمل ايه زي اوحينا الى موسى ان اضرب بعصاك البحر. موسى رايح البحر الاحمر وفرعون بيجري وراهم ومش عارف يعمل ايه. انما هي الثقة المطلقة - [00:48:15](#)

في الله واليقين ان الله لن يتخلى عنا. دي مشاعر بناء الدعوات. دي المشاعر اللي لما بتتولد داخل القلوب المؤمنة ربنا بيعمل البعس في الواقع بهزه القلوب ثم بعثنا موسى غير كل الرسل ارسلنا بعثنا بعث ده جاي عشان القلوب اللي ماتت دي تبعث - [00:48:40](#)
جديد وتحيا من جديد. قالوا واوحينا الى موسى ان القى عصاك فاذا هي تلقف ما يأفكون. وفي قراءة فاذا هي طلاق قفوا الفرق بين طلق وتلقف وتلقف تلحف التعبان بقى التعبان فتح بوقه وبلغ كيلو ونص في كيلو ونص - [00:49:00](#)

يعني يعني كيلو ونص مربع آآ تعابين بلحهم. التهموا. تلقف هم اللي رموا نفسمهم في عشان كده الصحراء اتزالوا اصل هو لو كل الناس اتقال لها ان ده سحر اقوى من سحر. السحرة فاهمين ان ده مش ساحر. ده ربنا. ده مش سحر اللي - [00:49:26](#)
اعملوا موسى ده مش ساحر. احنا عارفين السحر وفاهمينه. اللي حصل ده ليس سحر على وجه الارض يستطيع ان يفعله انما هو الله. عشان كده العلم هو اللي قدر اليقين هو علمهم فهمه من ايام السحر - [00:49:46](#)

واوحينا الى موسى ان القى عصاك. فاذا هي هي العصاية ما حلتيش حاجة حتة درس في مسجد صغير وتلاتة اربعة بس اللي بيحاولوا يزوجوا جولات وشوية آآ يعني دعاة عددهم يتعدى اصابع اللي هنعمل ايه في الفساد ده كله؟ ما لكش دعوة. القى عصاك انت ما لكش دعوة - [00:50:01](#)

ويحق الله الحق بكلماته. مش بكلماتك انت. مش بكلامك ولا دروسك ولا خطبك الرنانة. الله ينصر الدين بكلمات هو مش بامكانياتك انت. الله سبحانه وتعالى. فاذا هي هي اياها. العصاية ديت تلقف ما - [00:50:21](#)

فوقع الحق وقع شق ثق الحق وقع الحق كأن الحق نزل زي الصاعقة على قلوبهم كلهم وقع الحق في قلوب الصحراء الحق نفقا. اوعى تفتكر ان الحق خفيف. كل اللي هم بيعملوه ده شجرة خبيثة. اجتثت من فوق الارض لان ما لهاش جذور اصلا - [00:50:41](#)
ما لها من قرار. عمرها ابد ما هتقر في الارض. فاما الزبد فيذهب جفاء. الله قادر سبحانه وتعالى. المعركة ليست بيننا وبينهم. المعركة بينهم وبين الله. انما احنا بنوالي الله قربنا بيأتي بالنصر على ايدينا. انما الموضوع مش ما يقدر على القدرة الا اللي خلقها - [00:51:07](#)
واوحينا الى موسى ان القى عصاك فاذا هي تلقف ما يهفكون. فوقع الحق. وبطل ما كانوا يعملون. ما عدش فيه اي فاعلية للسحر بتاعهم. كل السحر اتفك من قلوب الناس. فغلبوا هنالك في عز سلطانهم ومجدهم وانقلبوا صاغرين. واحد بيقرأ وانقلبوا - [00:51:27](#)
تحس ان قلبك بيشتفي كده. امتى؟ امتى سنرى دي في الواقع؟ امتى هنشوف وانقلبوا صاغرين؟ امتى هنشوف دلوقتي كل ما ادخل على اي اخبار؟ الممسلة الفلانية بتحب الممثل الفلاني. والموزع الفلاني خطأ - [00:51:47](#)

فلانة واللعب الفلاني راح آآ النادي الفلاني. وفلان قتل امه عشان كان عايز يغتصبها. وفلانة ادلت ابنها وولعت وفلان دبح مراته ورماه من ايه! ايه ايه المؤامرات لتشويه عقلية الناس ده! ما عدش فيه اخبار - [00:52:03](#)

عشان كده تلك القرى نقص عليك من انبائها هي دي الاخبار اللي بحق وحقيقي. الانباء اللي قاعدة يشغلوا الناس بها دي. كل ده تتويج دي الاخبار اللي ودي الانباء اللي بحق وحقيقي - [00:52:23](#)

كلنا تتويه للعقول واثارة للشهوات. ويعني يعني وكما قال عمر بن الخطاب يعجبني الرجل اذا سيم خطة يعجبني الرجل اذا سيم خطة خسف ان يقول بملئ فيه لا. لما تلاقي واحد عايز يخسف بك - [00:52:37](#)

الارض ويخسف بمستقبلك ويتوهك في الشهوات. انا انا ابشع من منزر شاب شهوته قاداته انه يقعد قدام موقع اباحي. ويزرب نفسه منزر الشاب ده انه مش فاهم ان اللي صرفه الملايين على الموقع الاباحي ده صرفوه عشان يدمروك. تقوم انت تروح تدمر بايديك عشان - [00:52:57](#)

ايه العجز ده! ايه الحقارة النفسية دي! ده لو مش حرام وحلال انت ما تقبلهاش. عشان اصلا انت عارف اللي عامل ده ليه؟ واللي جايها لحد بلدك جايها ليه؟ تقوم انت وانت عارف انها حرام تتعرض لها - [00:53:17](#)

فوقع الحق وبطل ما كانوا يعملون. فغلبوا هنالك وانقلبوا صاغرين. والقي السحرة ساجد القبي اترمموا يعني كأنه لا سيطرة له على جوارحه. رملت قالوا امنا برب العالمين. مين اللي عدى هدومه هنا - [00:53:35](#)

فرعون ما هو متهيأ له ان هو رب العالمين انا ربكم الاعلى. فقاموا خابطينه الكلمة بقى اللي ايه؟ اللي فهمته هم بيتكلموا عن مين؟ رب موسى وهارون. ما هو ايه قيمة رب - [00:53:53](#)

بعد رب العالمين. مش انت. احسن تفتكر ان انت ما اصل الناس دي عايشاها. عايشاها مش آآ قاتل المئة آآ اللي اسمه ايه ده في قصة الراهب لما ربنا رد بصر الوزير بتاعه فداخل فلقاه بيفتح ويبشد الكرسي ويبقعد فييقول له ما ترد عليك - [00:54:06](#)

قال ربي قال اولك رب غيري؟ هو في ده مجانيين يا عم! ده عايشها! زي بالزبط ماشطة بنت فرعون الكوافيرة بتاعة بنت فرعون بنت فرعون بالكوافيرة بتاعة احدث صنع لها. فوقع المشفى تقول بسم الله. قالت لها الله ابي! انت بتقولي باسم بابا - [00:54:26](#)

بابا مين يا بنت انت انت عايشة في المريخ ولا عايشة فين؟ الناس دي عايشاها. فاوول ما يقول امنا برب العالمين اه انت رب موسى وهارون دي كانت الخبطة - [00:54:46](#)

قال فرعون امنتم به قبل ان اذن لكم قبل ان نذهب هو مش فاهم حاجة الناس دي مش موجودة معنا اصلا في الدنيا. قبل ان اذن لكم يعني انت عارف اللي بيقول في الاخر من انتم؟ امنتم به قبل ان اذن لكم. يا اخي انت لو حليت - [00:54:56](#)

سلطان على الاجساد لك سلطان على القلوب؟ يعني انت رافض ان القلب يرتعش حينما يلمسه نور الايمان الا لما يستأذن منك امنتم وهو مش عايز حاجة في الحياة تحصل من غير ازنه. امنتم به قبل ان اذن لكم ان هذا لمكر مكتموه في المدينة. لتخرجوا منها - [00:55:13](#)

اهلها ده مخطط سياسي من اجل ان انتم تبوزوا كل البتاع اللي بيحصل ده انتم عايزين تبوظوه بقى سوف تعلمون سرعة بديهة مزهلة عبقرية. ده عمل الخطة واخترعها او كان مرتب لو حصل حاجة هيعمل ايه؟ فسوف تعلمون - [00:55:33](#)

لاقطعن ايديكم وارجلكم من خلاف. ثم لاصلبنكم اجمعين. قالوا انا الى ربنا منقلبون امام ينتصر مشهد نصر النصر مش انك انت تنتصر في معركة. النصر انه ما قدرش يزحزحك عن عقيدتك. النصر ان هو جاب - [00:55:53](#)

اخرج وانت لسة واقف على على جبل السبات. في الاتصال بالله سبحانه وتعالى. النصر ان هم عملوا كل الشهوات وانت واقف على دين ربنا مصمم الا ترضي الا الله. لن نؤثرك على ما جاءنا من البيئات. والذي فطرنا في قول من الاقوال والذي فطرنا ان يقسمون بالله. وفي - [00:56:13](#)

والذي فطرنا معطوف. اي لن نؤثرك على ما جاءنا من البيانات ولن نؤثرك على الذي فطرنا. لن نؤثرك على الله. لن اوثق اي شيء واي احد على الله سبحانه وتعالى لاقطعن ايديكم وارجلكم من خلاف. مش لاقطعن اقطعان يعني الايد اللي هتقطع هتقطع على ثلاثين اربعين مرة - [00:56:33](#)

ها ومن خلاف يعني نص يتقطع ايد والنص الثاني يتقطع رجل. فيبقى ايه؟ من خلافة. ثم ده انتم فاكرين ده اخر؟ ده اللي على اوصلبنكم اجمعين كلكم كده انتم سامعين واحد ولا ايا ما كان على نخل كده وكل واحد هيتعلق على نخلة وهيتصلب. قدام الدنيا كلها - [00:56:53](#)

وتتسابوا كده تنزفوا لحد ما تموتوا قدام الناس كلها. فرعون بقى جاب اخره بقى. الايمان ينتصر. اصل ايمان الناس دي فضيحة انت عارف زي ما فجأة تلاقي مغنية مشهورة مسلا تتوب ولا ممسلة مشهورة تتوب ولا هم ليه بيتفزعوا التانيين؟ لان فضيحة. ما هو - [00:57:13](#)

بيقول للناس دي اجمل حياة. وقال الز عيشة وامتع حاجة. وهي دي الدنيا. وعيشي حريتك. فلما حد دخل بيت السحر ورجع قال لا اله الا الله الله! الثاني بيتربع! لانه اتفصح! لانه هيطلع يفصح ان من جوة ما فيش حاجة اصلا غير الهم والغم! والعياذ بالله! فدي فضيحة! لا - [00:57:34](#)

عنا ايديكم ورجولكم من خلاف ثم لاصلي بينكم اجمعين. قالوا انا الى ربنا منقلبون احنا كده كده ميتين نموت واحنا مع ربنا. غير ان

الى ربنا منقلبون. لو احنا صبرنا يا بخت اللي هيصبر عند ربنا لما يقابل ربنا. غير ان الى ربنا منقلبون - [00:57:54](#)

القول الثالث بقى في يوم من الايام الوضع هيتغير. واحنا وانت هنقف قدام ربنا وهيتعمل محاكمة تاني بس في عدل ربنا سبحانه وتعالى. فاعمل اللي انت عايز تعمله في الدنيا. خد بالك انك هتتحاكم عليه في الآخرة - [00:58:12](#)

وان احنا بيننا لقاء تاني قدام ربنا في الآخرة قالوا انا الى ربنا منقلبون. وما تنقب منا. الا ان امنا بايات ربنا لما جاءت. احنا عملنا ايه الا ان امنا بايات ربنا لما جائتنا. ربنا افرغ علينا صبرا. عارفين فرعون بقى احب افرغ. يعني انت عارف علينا كده. افرغ - [00:58:28](#) وتوفنا مسلمين ارزقنا الثبات على الدين. حتى الممات ننهي بقى نذهب دي ويا اما نكمل المرة الجاية نفس الايات يا اما بقى ندخل في ايات تانية كان نفسي اكمل بصراحة لان قصة موسى باهرة يعني - [00:58:49](#)

يعني بالزات في صورة آا الاعراف يعني وما تنقم منها وقال الملأ من قوم فرعون المشهد الكام الرابع المشهد الرابع اجتماع سري تاني. وقال الملأ من قوم فرعون اتذروا موسى وقومه - [00:59:08](#)

ليفصلوا في الارض. اتنين ويدرك ثلاثة والهتك. قال سنقتل ابناءهم. ونستحيي نساءهم وانا فوقهم قاهرون. اللي حصل هنا ايه؟ ابن عباس يقول في زاد المسير يومها اسلم لموسى ستمائة الف انسان - [00:59:26](#)

جولة ستميت الف واحد دخلوا في دين ربنا بسبب جودة. جولة واحدة. ستميت الف انسان. فبقى فيه حركة شعبية للعودة للدين لتدين والالتزام بدين ربنا. وموسى مسل بالنسبة لبني اسرائيل عودة الامل. ما ينفعش المولود ده يتولد. المولود اللي اسمه عمل ده لازم - [00:59:46](#)

انتقتل اول ما يتولد. لازم يوصل للناس كلها ان ما فيش حاجة اسمها امل. لا امل ولا عمر. فعشان كده قال ابناهم ونستحيي نساءهم وان فوقهم قاهرون. لازم كل زرة امل طلعت في قلب بني اسرائيل. ان الوضع ده ممكن يتغير تنقتل - [01:00:07](#)

بالقهر اللي يخليهم يوصلوا ان ما فيش فايده. وما فيش امل على الاطلاق. فدي كانت قال الملأ من قوم فرعون اتذرون وقوما ليفسدوا في الارض هيبوظوا الدنيا. هيبوظوا الدنيا ده ناس مفسدين. مفسدين في ايه؟ ويدرك دي اللي في النص. والهتك هيسيب - [01:00:27](#)

هيسيب راحة وبتاع وما عدش هيقدّم القرابين للالهة الناس هي الحقيقة لا الاولانية ولا الثالثة. الحقيقة اللي في النص الحقيقة ويدرك الحياة ان انت ما عادش هيبقى لك كلمة على الناس دي. الحقيقة ان انت ما عدتش هتتعظم في قلوبهم ما دام الناس دي رجعت لربنا. هي دي الكلمة اللي جت في - [01:00:47](#)

زي فرعون كده دايم اهل الباطل يحاول يزين كلامه بس لازم يقع في النص غصب عنه. فارسل فرعون سورة الشعراء فارسل فرعون في المدائن واحد ان هؤلاء لجرزمة قليلون. اتنين وانهم لنا لغائطون. ثلاثة وان لجميع حذرون. ان هؤلاء - [01:01:10](#) وناس بتوع عشوائيات انا لجميعهم حذرون خطر الارهاب بقى وعلى العالم. الحقيقة انهم لنا رغم اذننا الحقيقة فالحقيقة هنا ويدرك وهم هيزيعوا هم كمان. ما هو انت هتسكت احنا مش هنسكت. ما انت مش آا فطبعاً ده قصة. قال - [01:01:30](#)

سنقتل ابناهم ونستحيي نساءهم وانا فوقهم قاهرون. قال موسى لقومه استعينوا بالله واصبروا نقف عند هذا باذن الله سبحانه وتعالى نحاول ان احنا نكمل بقى المرة الجاية باذن الله. نسأل الله سبحانه وتعالى ان اه يجعل القرآن العظيم ربيع قلوبنا اللهم امين. عايزين بقى - [01:01:50](#)

واحنا بنقرا نسمع الجزء التاسع كده نسمع بقلوبنا ونعيش مع الايات ونقرب من الايات ونفهم وانت حاول لحد صلاة التراويح تحضرها وتقرأ الجزء كويس وتقرأ الحزب الاولاني اللي مسلا في التراويح كويس اوي لو انت هتصلي بجزء تقرا جزء كويس. يعني حاول انك انت يعني تجعل صلاة التراويح دي لحظة فارقة - [01:02:10](#)

وفي اليوم هي لحظة الامتحان لحصاد اقبالك على القرآن في آا بقية اليوم. اللهم اجعل القرآن العظيم ربيع قلوبنا ونور صدورنا وجلاء احزاننا وذهاب همومنا. اللهم اجعلنا من اهل القرآن الذين هم اهلك وخاصتك. اخواني واحبابي في الله. ان شاء الله احنا بنفطر في المسجد مع بعض - [01:02:30](#)

كده حاجات سريعة كده. ان شاء الله باذن الله من اراد ان يمكث بقى ويبقى انتزار الصلاة بعد الصلاة. فذلکم الرباط فذلکم الرباط
فذلکم الرباط. المرابطون في رمضان ان لم ترابط في رمضان في بيوت الله فمتى سترابط؟ نسأل الله ان يعيننا على ذكره وشكره
وحسن عبادته سبحانه اللهم وبحمدك اشهد ان لا اله الا انت - [01:02:50](#)
استغفرك واتوب اليك - [01:03:10](#)